

A COUÉNTA DOU RAT BRUSSON (ROBERTA ESPOSITO SOMMESE) Version réduite



Padja 1

En pasèn dezeit eunna QUIÉNTA, un RAT l'at echtchanca-se a PEL.

Padja 2

O rat ou vat avó o TSAVATÌN é ou ié dit :

« Tsavatìn, tsavatìn, pé piéjì, afita-mèi a pel qu'i l'èi echtchanca-me én pasèn dezeit a quiénda ! ».

« Ma djacque ! » ou ié rehpògn o tsavatìn « Ma pé lo fére, ou mé fat dé SÉE ! ».

Padja 3

O rat ou vat avó o PORTCHET é ou ié dit :

« Portchet, pé piéjì, dona-mèi dé sée pé o tsavatìn ! ».

« Ma djacque ! » ou ié rehpògn o portchet « Ma pé lo fére, ou mé fat dé FAREUNNA ! ».

Padja 4

O rat ou vat avó o MOLÉNÌ é ou ié dit :

« Molénì, pé piéjì, dona-mèi dé fareunna pé o portchet ! ».

« Ma djacque ! » ou ié rehpògn o molénì « Ma pé lo fére, ou mé fat dé GRAN ! ».

Padja 5

O rat ou vat avó ou TCHAMP dé gran é ou ié dit :

« Tchamp, pé piéjì, dona-mèi dé gran pé o molénì ! ».

« Ma djacque ! » ou ié rehpògn o tchamp « Ma pé lo fére, ou mé fat dé FUMÌ pé fére créche o gran ! ».

Padja 6

Donca o rat ou vat avó a vatcha é ou ié dit :

« Vatcha, pé piéjì, dona-mèi dé fumì pé o tchamp dé gran ! ».

« Ma djacque ! » a ié rehpògn a vatcha « Ma pé lo fére, ou mé fat dé FÉN ! ».

Padja 7

Donca o rat ou vat ou PRA é ou ié dit :

« Pra, pé piéjì, dona-mèi dé fén pé a vatcha ! ».

« Ma djacque ! » ou ié rehpògn o pra « Ma pé lo fére, ou mé fat d'ÉVA, pé fére créche l'erba ! ».

Padja 8

É o rat ou vat ou RU é ou ié dit : « Ru, pé piéjì, dona-mèi d'éva pé o pra ! ».

Padja 9

Donca o RU dona l'éva ou RAT qu'ou la porta ou PRA ;
é o PRA ou ié dona dé FÉN qué o RAT ou porta a VATCHA ;
é a VATCHA a ié dona dé FUMÌ qué o RAT ou porta ou TCHAMP ;
é o TCHAMP ou ié dona dé GRAN qué o RAT ou porta ou MOLÉNÌ ;
é o MOLÉNÌ ou ié dona dé FAREUNNA qué o RAT ou porta ou PORTCHET ;
é o PORTCHET ou ié dona dé SÉE qué o RAT ou porta o TSAVATÌN ;
é o TSAVATÌN ou y afita a PEL qué o RAT ou l'at echtchanca-se én pasèn dezeit a QUIÉNDA !